



Գործ թիվ ԵԿԴ/1862/02/13

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԵՐԵՎԱՆ ՔԱՂԱՔԻ ԿԵՆՏՐՈՆ ԵՎ ՆՈՐՔ-ՄԱՐԱՀ ՎԱՐՉԱԿԱՆ ՇՐՋԱՆՆԵՐԻ  
ԱՌԱՋԻՆ ԱՏՅԱՆԻ ԸՆԴՀԱՆՈՒՐ ԻՐԱՎԱՍՈՒԹՅԱՆ ԴԱՏԱՐԱՆԻ  
Ո Ր Ո Շ ՈՒ Մ Ը

Քաղաքացիական գործի վարույթը վերսկսելու մասին

11.09.2014թ.

ք. Երևան

Երևան քաղաքի Կենտրոն և Նորք-Մարաշ վարչական շրջանների առաջին ատյանի ընդհանուր իրավասության դատարանի /այսուհետ՝ նաև Դատարան/ դատավոր Ռ.Վարդագարյանս, քննության առնելով թիվ ԵԿԴ/1862/02/13 քաղաքացիական գործի վարույթը վերսկսելու հարցը,

Պ Ա Ր Զ Ե Ց Ի

Դատարանի 19.05.2014թ. որոշմամբ կասեցվել է թիվ ԵԿԴ/1862/02/13 քաղաքացիական գործի վարույթը՝ մինչև թիվ 16101714 քրեական գործով որոշում կայացնելը:

Քաղաքացիական գործի վարույթը կասեցնելու մասին դատարանի որոշման դեմ «Մալաթիա ՈՒՎԿ» ՍՊԸ-ի կողմից ներկայացվել է վերաքննիչ բողոք:

ՀՀ վերաքննիչ քաղաքացիական դատարանը 03.07.2013թ. որոշում է կայացրել բավարարել վերաքննիչ բողոքը և Երևան քաղաքի Կենտրոն և Նորք-Մարաշ վարչական շրջանների առաջին ատյանի ընդհանուր իրավասության դատարանի 2014թ. մայիսի 19-ի թիվ ԵԿԴ/1862/02/13 «Քաղաքացիական գործի վարույթը կասեցնելու մասին» որոշումը վերացրել է:

ՀՀ վերաքննիչ քաղաքացիական դատարանի 03.07.2013թ. որոշման դեմ Սարգիս Բժիկյանի ներկայացուցչի կողմից ներկայացվել է վճռաբեկ բողոք:

ՀՀ վճռաբեկ դատարանը 13.08.2014թ. որոշում է կայացրել վճռաբեկ բողոքը վարույթ ընդունելը մերժելու մասին:

03.09.2014թ. «Մալաթիա ՈՒՎԿ» ՍՊԸ-ի կողմից միջնորդություն է ներկայացվել Դատարան՝ քաղաքացիական գործի վարույթը վերսկսելու մասին:

08.09.2014թ. Դատարանում ստացվել է թիվ ԵԿԴ/1862/02/13 քաղաքացիական գործը:

ՀՀ քաղաքացիական դատավարության օրենսգրքի 107-րդ հոդվածի 1-ին մասի համաձայն՝ գործի վարույթը վերսկսվում է դրա կասեցումն առաջացրած հանգամանքների վերանալուց հետո:

Դատարանն արձանագրում է, որ տվյալ պարագայում առկա է քաղաքացիական գործի վարույթի վերսկսման հիմքը, ուստի քաղաքացիական գործի վարույթը պետք է վերսկսել և նշանակել քննության:

Վերոգրյալի հիման վրա, ղեկավարվելով ՀՀ քաղաքացիական դատավարության օրենսգրքի 107-րդ, 144-րդ, 144<sup>1</sup>-րդ հոդվածներով՝

Ո Ր Ո Շ Ե Ց Ի

Թիվ ԵԿԴ/1862/02/13 քաղաքացիական գործի վարույթը վերսկսել և գործի քննությունը նշանակել 30.09.2014թ., ժամը 15:00-ին Երևան քաղաքի Կենտրոն և Նորք-Մարաշ վարչական շրջանների առաջին ատյանի ընդհանուր իրավասության դատարանում (ք. Երևան, Տիգրան Մեծի 23/1, դահլիճ 3):

Դատավոր՝

Ռ.Վարդագարյան

